



## A Veiga

### Edicto

Unha vez elevado a definitivo, por non presentaren reclamacións, o acordo plenario adoptado na sesión realizada o 30 de abril de 2003, de aprobación provisional de imposición da taxa por tenencia de animais potencialmente perigosos, que se transcribe a continuación, e da ordenanza fiscal reguladora desta, que se achega como anexo deste edicto, faise público en cumprimento do disposto no artigo 17.4 da Lei 39/1988, do 28 de decembro.

Expediente de imposición e ordenación da taxa por tenencia de animais potencialmente perigosos. Xa que é necesario usar os recursos económicos que establece o artigo 2.1.b) da Lei 39/1988, do 28 de decembro, entre os que se atopa a referida taxa, tramitouse expediente administrativo para impoñer e ordenalo devandito tributo. Logo de verlos informes favorables da Secretaría e da Intervención e o informe técnico-económico sobre o custo do servizo e avaliación do rendemento da mencionada taxa, así como o dictame no mesmo sentido da Comisión especial de contas, por unanimidade acórdase o seguinte:

- 1.- Aprobar provisionalmente a imposición da taxa por tenencia de animais potencialmente perigosos e ordenala na forma que regula a ordenanza, co texto que figura anexo á memoria da Alcaldía que encabeza o expediente, conforme co disposto no artigo 15.1 da citada lei.
- 2.- Expoñer ó público o presente acordo e a ordenanza, tal como preceptúa o artigo 17.1 e 2 da mencionada lei.
- 3.- Elevar a definitivo este acordo se non se presentan reclamacións e continua-lo expediente ata a súa conclusión, de acordo co procedemento previsto no artigo 17.4 e 5 da repetida lei.
- 4.- A referida ordenanza entrará en vigor o mesmo día da súa publicación no BOP e será de aplicación a partir do día da súa publicación no BOP.

A Veiga, 13 de xuño de 2003. O alcalde.

Proxecto de Ordenanza municipal reguladora da licenza para a tenencia de animais potencialmente perigosos, do seu rexistro, da sección local do rexistro de animais de compañía e das taxas pola prestación de tales servizos.



#### Exposición de motivos

A Lei 50/1999, do 23 de decembro, dictada ó abeiro do artigo 149.1.29 da Constitución española, que lle atribúe ó Estado as competencias en materia de seguridade pública, no artigo 3 asinalles ós concellos a competencia para conceder a licenza administrativa que habilite para a tenza de animais potencialmente perigosos. Ademais, no seu artigo 6, establece que en cada concello haberá un rexistro de animais potencialmente perigosos.

A Lei 1/1993, do 13 de abril, da Comunidade Autónoma de Galicia, de protección de animais domésticos e salvaxes en cativeiro, imponse á súa vez ós concellos a obriga de recoller os animais abandonados, e no artigo 27 do Decreto 153/1998, que desenvolve a obriga de censar a nivel municipal a tódolos animais de especie canina.

A Comunidade Autónoma de Galicia desenvolve ambas leis de forma harmónica; no Decreto 90/2002 é unha das competencias propias que se lle recoñecen no artigo 3.2 da dita Lei 50/1999, ó amparo da cal se aproba tamén esta ordenanza.

En consecuencia, e de conformidade coas disposicións citadas, ó abeiro da Lei 7/1985, reguladora das bases de réxime local, Lei 5/1997, do 22 de xullo, de administración local de Galicia e os artigos 15 e 20 da Lei 39/1988, do 28 de decembro, reguladora das facendas locais, a Corporación aprobou esta ordenanza.

#### Capítulo 1.- Disposicións xerais

##### Artigo 1º.- Obxecto.

1.- O obxecto da presente ordenanza é a regulación da concesión e renovación das licenzas administrativas para a tenza de calquera clase de animais clasificados como potencialmente perigosos, ós que se refire o Decreto 90/2002, do 28 de febreiro, polo que se regula a tenza de animais potencialmente perigosos na Comunidade Autónoma de Galicia, así como a regulación do Rexistro municipal de Animais Potencialmente Perigosos e a inscrición na Sección Local do Rexistro Galego de Animais de Compañía e das taxas pola concesión e renovación das licenzas e inscricións indicadas.

2.- Quedan excluídos da aplicación da presente ordenanza os cans e animais pertencentes ás forzas armadas, forzas e corpos de seguridade do Estado, corpos da policía das comunidades autónomas, policía local e empresas de seguridade con autorización oficial.

##### Artigo 2.- Definición de animal potencialmente perigoso.

1.- Considéranse animais potencialmente perigosos tódolos que, pertencendo á fauna salvaxe, sexan utilizados como animais domésticos, ou de compañía, con independencia da súa agresividade, e pertencen a especies ou razas que teñan capacidade de causar a morte ou lesións ás persoas ou a outros animais e danos a cousas.

2.- En particular, terán a cualificación de potencialmente perigosos os animais domésticos ou de compañía que regulamentariamente determine a Comunidade Autónoma de Galicia, en particular os pertencentes á especie canina, definidos no artigo 2.2 do Decreto 90/2002, do 28 de febreiro, polo que se regula a tenza de animais potencialmente perigosos na Comunidade Autónoma de Galicia e se crean os rexistros galegos de Identificación de Animais de Compañía e Potencialmente Perigosos e de Adestradores Caninos.

3.- En todo caso, aqueles cans que manifesten unha marcada agresividade natural ou inducida mediante adestramento, malos tratos ou calquera outro medio. Esta agresividade será apreciada pola autoridade competente, de oficio, ou trala notificación ou denuncia, e despois dun informe dun adestrador ou veterinario designado para o efecto.

#### Capítulo II.- Da licenza municipal.

##### Artigo 3.- Licenza municipal.

1.- A tenza no municipio de animais clasificados como potencialmente perigosos requirirá a obtención, con carácter previo á adquisición do animal, da correspondente licenza municipal.

2.- Están obrigados a obter a licenza municipal para a tenza de animais clasificados como potencialmente perigosos os propietarios ou posuidores destes incluídos no padrón de habitantes, así como os establecementos ou asociacións, con sede neste municipio, que alberguen animais potencialmente perigosos ás que se refire o Decreto 90/2002, do 28 de febreiro, da Comunidade Autónoma Galega e se dediquen á súa explotación, cría, comercialización ou adestramento, incluídos os centros de adestramento, criadeiros, centro de recollida, residencia, centros recreativos e establecementos de venda colocados neste municipio.

3.- Os propietarios de animais potencialmente perigosos non avexiados neste municipio deberán acreditar, cando se encontren residindo temporalmente nel e mentres permaneza o animal no termo municipal, a tenza da licenza no municipio de orixe.

4.- Nos casos de inscrición de animais como consecuencia de efectuar anteriores ataques a persoas, animais ou cousas, no concello, unha vez coñecida a resolución ou sentenza, de oficio ou a instancia de calquera interesado directo, e trala tramitación de expediente administrativo con audiencia do interesado, requirirá o propietario mediante resolución da Alcaldía, co obxecto de que no prazo dun mes proceda a solicitar a licenza, efectuándose en caso contrario a retirada e depósito do animal de conformidade co establecido no artigo 9 desta ordenanza.

##### Artigo 4.- Requisitos para obter a licenza.

1.- Para obter a licenza administrativa con destino á tenza de calquera tipo de animais clasificados como potencialmente perigosos, será necesario cumprir os seguintes requisitos:

a) Ser maior de idade e non estar incapacitado para proporcionar os cuidados necesarios ó animal.

b) Non ter sido condenados por delitos de homicidio, lesións, torturas contra a liberdade ou contra a integridade moral, a liberdade sexual e a saúde pública, de asociación con banda armada ou de narcotráfico, así como non estar privado por resolución xudicial do dereito á tenza de animais potencialmente perigosos.

c) Non ter sido sancionado por infraccións graves ou moi graves con algunha das sancións accesorias das previstas no apartado 3 do artigo 13 da Lei 50/1999, do 23 de decembro, sobre o réxime xurídico de animais potencialmente perigosos. Non obstante, non será impedimento para a obtención ou, de ser o caso, renovación da licenza, ter sido sancionado coa suspensión temporal desta, sempre que, no momento da solicitude, a sanción de suspensión anteriormente imposta fora cumprida integramente.

d) Dispoñer de certificado de aptitude psicolóxica e de capacidade física para a tenza de animais potencialmente perigosos.

e) Acredita-la formalización dun seguro de responsabilidade civil por danos a terceiros que poidan causar os seus animais na cantía mínima de 125.000 euros.

2.- Os requisitos esixidos deberán manterse vixentes durante todo o período da tenza do animal; a perda destes dará lugar á revisión da licenza nos termos recollidos no artigo 9 desta ordenanza.

3.- No caso de que a licenza sexa para animais salvaxes en cativeiro, esixirase ademais do previsto no apartado 1 deste artigo, unha memoria descritiva das instalacións e medidas de

seguridade utilizadas para impedir a fuxida dos animais conforme co artigo 3.4 do Decreto 90/2002.

Artigo 5.- Vixencia das licencias.

1.- As licencias terán unha vixencia de cinco anos, despois deste prazo deberán ser renovadas, debendo acreditarse en cada exercicio para o seu mantemento a subscrición do seguro de responsabilidade civil por danos a terceiros.

2.- A condena por calquera dos delitos recollidos no apartado b) do artigo anterior dará lugar á revisión da licenza polo concello.

Artigo 6.- Acreditación.

1.- A identificación da tenza da licenza municipal de animais potencialmente perigosos acreditarase mediante entrega de certificación relativa a esta.

2.- Por cada can que se posúa, expedirase unha tarxeta identificativa na que se fará consta-los seguintes datos:

a) N.º de licenza municipal.

b) Código de identificación do can.

c) Raza.

d) Titular da licenza e DNI.

e) N.º de rexistro municipal.

Artigo 7.- Documentación.

1.- Para a expedición da tarxeta identificativa de cada can requirirase achega-los seguintes datos:

a) Raza e sexo do animal.

b) Ano de nacemento.

c) Domicilio habitual do animal.

d) Especificación de se está destinado a convivir cos seres humanos ou se, pola contra, ten finalidades distintas coma a garda, protección ou outra que se indica.

e) Nome do propietario.

f) Domicilio do propietario.

g) DNI do propietario.

h) Nome ou razón social e domicilio do vendedor ou cedente.

i) Certificado de sanidade animal expedido por autoridade competente, que acredite, con periodicidade anual, a situación sanitaria do animal e a inexistencia de enfermidades ou trastornos que o fagan especialmente perigoso.

l) Xustificante do aboamento da taxa pola expedición da licenza municipal para a tenza de animais potencialmente perigosos, de se-lo caso.

m) Certificado sanitario de esterilización, se se efectuou.

n) Facturas e xustificante da adquisición.

Os citados datos e, de se-lo caso, a documentación oportuna, deberá facilitala o adquirente do animal no prazo de quince días contados dende a súa tenza efectiva.

2.- O certificado de sanidade animal deberá ser expedido polos servizos sanitarios da Comunidade Autónoma de Galicia ou por un veterinario colexiado.

3.- Para a renovación da licenza municipal deberán achega-la seguinte documentación:

a) Solicitude de renovación.

b) Copia compulsada da renovación do seguro de responsabilidade civil.

c) Copia compulsada do certificado médico de sanidade animal, efectuado nunha data non anterior a dous meses á da renovación da licenza.

d) Xustificante do aboamento da taxa municipal.

e) Certificado de capacidade física.

f) Certificado de aptitude psicolóxica.

Artigo 8.- Órgano competente para a concesión das licencias municipais.

1.- As licencias municipais para a tenza de animais potencialmente perigosos concederanse mediante resolución do órgano

que teña atribuída a competencia en materia de licenza, trala acreditación da incorporación da documentación esixida na presente ordenanza.

Artigo 9.- Revisión, perda de licencias e depósito de animais.

1.- A perda de calquera dos requisitos esixidos no artigo 4 desta ordenanza, dará lugar á revisión das licencias municipais concedidas e a súa retirada trala tramitación de expediente contradictorio.

2.- A retirada da licenza dará lugar á perda do dereito á tenza do animal e á obriga do interesado de proceder, no prazo máximo de dez días contados dende a recepción do requirimento, á súa entrega e depósito no establecemento adecuado para o efecto ata obtela, salvo que o animal sexa obxecto de entrega a outro propietario ou sacrificio nos termos establecidos nos artigos 58, 59 e 60 do Decreto 153/1998, da Comunidade Autónoma de Galicia.

3.- En caso de incumprimento da obriga de depósito procederá á súa execución subsidiaria o concello, ou a Comunidade Autónoma, a través dos seus servizos ou mediante empresa contratada, sendo os gastos que tal actuación ocasiona a cargo e conta do antigo titular da licenza.

4.- O concello poderá retirar dos espazos públicos e depositar de oficio en establecemento adecuado, sen necesidade de previo requirimento, a aqueles animais potencialmente perigosos nos que se aprecie unha situación de abandono ou perigosidade para os usuarios das vías e espazos de uso común ou circulen por estes sen a debida protección ou control do seu propietario ou posuidor.

5.- Igualmente, o concello poderá retirar e depositar en establecemento adecuado aqueles animais potencialmente perigosos que non dispoñan da correspondente tarxeta de identificación no municipio de orixe ata tanto non acredite tal circunstancia o seu titular.

6.- A falta de licenza municipal para a tenencia de animais potencialmente perigosos dará lugar a un único requirimento municipal para a súa obtención no prazo de dez días e a retirada e depósito dos animais, nos termos establecidos neste artigo.

Capítulo III.- Do rexistro municipal.

Artigo 10.- Rexistro Municipal de Animais Potencialmente Perigosos.

1.- Créase o Rexistro Municipal de Animais Potencialmente Perigosos, que será informatizado, no que se fará constar con carácter obrigatorio de acordo con Decreto 90/2002, do 28 de febreiro, da Comunidade Autónoma de Galicia a seguinte documentación:

a) Código identificador do animal.

b) Zona de aplicación.

c) Especie.

d) Raza. En cruzamento de primeira xeración especificarase as razas de procedencia.

e) Sexo.

f) Descrición da capa.

g) Data de nacemento do animal e nome do animal, de se-lo caso.

h) Domicilio habitual do animal.

i) Outros signos identificatorios non definitivos (tales como unha tatuaxe ou un número de chapa se o animal foi censado nun censo municipal anteriormente).

l) Especificación de se o animal está destinado a convivir con seres humanos ou se teñen finalidades distintas como a garda, defensa ou outra que se indique.

m) Nome e apelidos do propietario do animal.

n) Enderezo do propietario do animal.

o) Teléfonos de contacto do propietario do animal.





- p) DNI do propietario do animal.
- q) Nome, enderezo, número de colexiado e número de veterinario colaborador que realiza a marcaxe.
- r) Data na que se realiza a implantación da identificación e a entrega do documento ó propietario.
- s) Data de alta no rexistro.
- t) Certificado sanitario, expedido por un veterinario, que acredite con periodicidade anual a situación sanitaria do animal e a inexistencia de enfermidade ou síntomas que o poidan facer potencialmente perigoso, así como unha certificación de que o animal carece de lesións ou cicatrices que puideran estar relacionadas coa utilización do animal en pelexas ou outras actividades prohibidas.
- u) Cartilla sanitaria actualizada nos tratamentos preceptivos e preventivos propios da especie e idade. Na cartilla sanitaria figurará a catalogación de animal potencialmente perigoso.
- v) Copia da licenza municipal de tenencia de animais potencialmente perigosos, a nome do propietario. Acompañarase de copia da póliza que xustifique ter formalizado o seguro de responsabilidade civil.
- x) Datos do centro de adestramento, se fora o caso.
- z) Incidentes de agresión, se fora o caso.

2.- Os propietarios dos animais serán os responsables de identificarlos animais e de sufragalos gastos que esto ocasione, independentemente do lugar de residencia das ditas persoas. A identificación definitiva suporá un requisito previo e obrigatorio para realizar calquera transacción do animal.

3.- O rexistro municipal é un rexistro de carácter público, ó que terán acceso as administracións públicas e autoridades competentes, así como aquelas persoas físicas ou xurídicas que acrediten ter interese lexítimo no coñecemento dos datos obrantes nel. Para estes efectos considerarase, en todo caso, interese lexítimo o que teña calquera persoa física ou xurídica que desexe adquirir un animal destas características, así como aquelas que sufriran calquera tipo de agresión polo animal e desexen exercer as accións correspondentes en calquera vía xurisdiccional, para o que deberán acreditar previamente a interposición da correspondente denuncia.

4.- En todo caso, o uso e tratamento dos datos contidos no rexistro será de acordo co disposto na Lei orgánica 15/1999, de protección de datos persoais.

#### Artigo 11.- Inscripción no rexistro.

1.- A inscrición no Rexistro de Animais Potencialmente Perigosos efectuarase a instancia do interesado ou de oficio, de se-lo caso, o concello trala concesión da licenza municipal regulada no artigo 3 da presente ordenanza.

2.- Non obstante, será igualmente obrigatoria a instancia do interesado a inscrición no rexistro municipal, en sección aberta para o efecto, cando se efectúe o traslado dun animal potencialmente perigoso a este municipio, sexa con carácter permanente ou por período superior a tres meses, debendo proceder á inscrición no prazo máximo de dez días contados dende o inicio da residencia no municipio.

3.- Estimarase que se efectuou un traslado de animal potencialmente perigoso, salvo acreditación expresa en contrario polo interesado, nos casos de cambio de residencia do titular deste, caso no que será preciso a acreditación da obtención da licenza no municipio de orixe anterior, procedendo á renovación da licenza nos casos previstos na presente ordenanza.

4.- Das inscricións que se efectúen no Rexistro Municipal de Animais Potencialmente Perigosos darase traslado ó órgano correspondente da Comunidade Autónoma de Galicia.

5.- Igualmente nos casos de cambio de residencia dende o municipio sen prexuízo da obriga do interesado de dar conta do

traslado do animal, notificaráselle ó concello do municipio de nova residencia a titularidade por parte do interesado dun animal potencialmente perigoso.

#### Artigo 12.- Baixa no Rexistro Municipal de Animais Potencialmente Perigosos.

1.- A baixa no Rexistro Municipal de Animais Potencialmente Perigosos efectuarase a instancia do interesado, trala acreditación da venda, traspaso, cesión ou morte do animal.

2.- Igualmente, procederase á baixa no rexistro no caso de traslado da residencia do titular do animal a municipio distinto, salvo que o animal permaneza no concello, e así quede acreditado, xa sexa a instancia do interesado ou de oficio polo concello.

3.- Farase figurar no rexistro como de titularidade municipal aqueles animais depositados nas súas instalacións como consecuencia da súa recollida da vía pública ou por perda da licenza do seu anterior titular.

#### Artigo 13.- Sección Local do Rexistro Galego de Identificación de Animais de Compañía.

1.- Ó amparo dos principios de lealdade institucional, cooperación e colaboración previstos no artigo 4 da Lei 30/1992, establécese unha Sección Local da Sección do Rexistro de Identificación de Animais de Compañía, limitada ós cans residentes no termo municipal, que se formará cos datos que para o efecto remita o rexistro galego. Cos datos contidos na sección do rexistro, formarase o 31 de decembro de cada ano, o censo ó que se refire o artigo 27 do Decreto 153/1998.

2.- Neste rexistro farase constar a información contida no apartado 5 do artigo 5 do Decreto 90/2002, do 28 de febreiro, da Comunidade Autónoma de Galicia, e que se recollen tamén nas letras do a) ó s) do apartado 1 do artigo 10 da presente ordenanza.

#### Artigo 14.- Circulación e permanencia dos cans en vías públicas e locais.

1.- Nas vías públicas e os espazos naturais protexidos, os cans irán suxeitos con cadea ou correa.

2.- Os cans guía poderán circular libremente nos transportes públicos urbanos, sempre que vaian acompañados polo seu dono e cumpran as condicións hixiénicas, sanitarias e de seguridade que prevén as ordenanzas.

3.- Queda expresamente prohibida a entrada ou estancia de animais domésticos en toda clase de locais destinados a fabricación, almacenamento, transporte, venda ou manipulación de alimentos.

4.- Queda asemade prohibida a entrada ou estancia de animais domésticos en restaurantes, bares, cafeterías e similares.

5.- Prohíbese a circulación ou a estancia de cans e outros animais nas piscinas públicas e locais de espectáculos públicos, deportivos e culturais e nos recintos escolares.

6.- Os titulares destes locais deberán colocar na entrada dos establecementos e en lugar visible o sinal identificativo desta prohibición.

7.- Quedan exentos das prohibicións anteriores os cans guía que acompañen a persoas invidentes.

8.- Nas praias do municipio prohíbese a circulación e permanencia de cans durante o período de baño e nos horarios de uso.

9.- Queda prohibido deixar as deposicións fecais dos cans nas vías públicas. Os propietarios de cans son responsables de recoller convenientemente os excrementos e depositalos ou ben en bolsas de lixo domiciliario, ou ben naqueles lugares que a autoridade municipal destíne expresamente a esta finalidade.

10.- Queda expresamente prohibido que os cans accedan ás zonas de xogo infantil das prazas e parques do municipio.

11.- Prohíbese lavar animais na vía pública e fontes, así como darlles de beber auga amourados ás billas das fontes públicas.

12.- Conforme co establecido no artigo 112, apartado 5, do Decreto 90/2002, do 28 de febreiro, da Comunidade Autónoma de Galicia, os cans catalogados como potencialmente perigosos terán que circular polas vías públicas e en lugares e espazos de uso público en xeral, atados con cadea ou correa non extensible de lonxitude non superior a dous metros, provistos da correspondente buceira homologada e adecuada para a súa raza e, en ningún caso, poderán ser conducidos por un menor de 16 anos.

Capítulo IV.- Infraccións e sancións.

Artigo 15.- Infraccións.

1.- As infraccións que se cometan contra o disposto nesta ordenanza clasifícanse en: moi graves, graves e leves.

2.- Terán a consideración de infraccións administrativas moi graves as previstas no artigo 13.1 da Lei 50/1999, do 23 de decembro, do Estado, así como as establecidas no artigo 22 da Lei 1/1993, do 13 de abril, da Comunidade Autónoma de Galicia.

3.- Terán a consideración de infraccións administrativas graves as previstas no artigo 13.2 da Lei 50/1999, do 23 de decembro, do Estado, así como as establecidas no artigo 21 da Lei 1/1993, da Comunidade Autónoma de Galicia.

4.- Son infraccións administrativas leves o incumprimento de calquera das obrigas establecidas nesta ordenanza, na Lei 50/1999, do 23 de decembro, do Estado, e na Lei 1/1993, do 13 de abril, da Comunidade Autónoma de Galicia non comprendidas nos parágrafos anteriores e das que a competencia lle corresponde ó concello, conforme co previsto no artigo 20.3.a) do Decreto 90/2002, do 28 de febreiro, da Comunidade Autónoma de Galicia.

Artigo 16.- Sancións.

1.- As infraccións tipificadas no artigo anterior serán sancionadas con multas cunhas contías que serán as fixadas no artigo 13.5 da Lei 50/1999, do Estado e no artigo 24 da Lei 1/1993, da Comunidade Autónoma de Galicia.

2.- En todo caso, as infraccións graves e moi graves, tipificadas no artigo anterior desta ordenanza poderán levar aparelladas como sancións accesorias a confiscación, comiso, esterilización ou sacrificio dos animais potencialmente perigosos, a clausura do establecemento e a suspensión temporal ou definitiva da licenzia para a tenza de animais potencialmente perigosos ou do certificado de capacitación do adestrador.

Artigo 17.- Responsable.

1.- Considéranse responsables das infraccións os que por acción ou omisión participaran para cometelas, o propietario ou posuídor dos animais ou, se é o caso, o titular do establecemento, local ou medio de transporte no que se produzan os feitos, e neste último suposto, asemade, o encargado do transporte.

Artigo 18.- Procedemento sancionador.

1.- O procedemento sancionador aplicable rexeráse polo establecido na Lei 50/1999, do 23 de decembro, así como a Lei 30/1992, do 26 de novembro, e normas de desenvolvemento.

Artigo 19.- Exercicio da potestade sancionadora.

1.- Os órganos competentes para sancionar, de acordo cos artigos 24.2 da Lei 1/1993, do 13 de abril, da Comunidade Autónoma de Galicia serán:

- a) Por infraccións leves, o alcalde.
- b) Por infraccións graves, o director xeral de Conservación da Natureza da Consellería de Medio Ambiente.
- c) Por infraccións moi graves, o conselleiro de Medio Ambiente.

2.- A incoación e tramitación dos expedientes polas infraccións tipificadas como leves correspóndelle ó concello.

Non obstante, o alcalde poñerá en coñecemento, de xeito fidedigno, do director xeral de Conservación da Natureza da Consellería de Medio Ambiente, toda acción ou omisión que poida ser tipificable como infracción grave ou moi grave.

3.- Cando as circunstancias de perigo así o aconsellen, o Alcalde poderá proceder á retirada ou custodia dun animal potencialmente perigoso, a cargo do propietario, como medida de carácter provisional durante a tramitación dun expediente sancionador.

Capítulo V.- Da taxa por expedición de licenzia, renovación, inscricións rexistras e as súas modificacións e cancelacións.

Artigo 20.- Obxecto.

1.- De conformidade co disposto nos artigos 15 ó 19, en relación co artigo 20 da Lei 39/1988, do 28 de decembro, do Estado, reguladora das facendas locais, establécese a taxa pola prestación de servizos especiais de expedición de licenzia, as súas renovacións, inscricións rexistras e as súas modificacións e cancelacións.

Artigo 21.- Feito imponible.

1.- O feito imponible da taxa é a actividade municipal conducente á verificación do cumprimento das condicións reguladas nesta ordenanza para a concesión da licenzia indicada, a actividade de control que se efectuará nas renovacións que desta deban verificarse, a tramitación, control e custodia que dela se establece e aqueloutros servizos que se recollen nas tarifas desta ordenanza.

Artigo 22.- Suxeito pasivo.

1.- Son suxeitos pasivos as persoas físicas e xurídicas que solicitan ou resultan afectadas polos epígrafes da Tarifa do artigo 25.

2.- En particular serán suxeitos pasivos os titulares dos establecementos ou asociacións que alberguen animais potencialmente perigosos e se dediquen á súa explotación, cría, comercialización ou adestramento, incluídos os centros de adestramento, criadeiros, centros de recollida, residencias, centros recreativos e establecementos de venda.

Artigo 23.- Responsables.

1.- Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei xeral tributaria.

2.- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedade e entidades en xeral, nos supostos e co alcance que sinala o artigo 40 da Lei xeral tributaria.

Artigo 24.- Aplicación da taxa.

1.- A aplicación da taxa producirase coa solicitude de calquera dos actos ós que se refire o feito imponible.

2.- A non concesión da licenzia, cando non sexa debido a incumprimentos formais do suxeito pasivo, dará lugar á devolución das cantidades autoliquidadas.

Artigo 25.- Tarifas.

- 1.- Licenzia de cans potencialmente perigosos, 60 euros.
- 2.- Ficha identificativa individual, euros.  
(Menos de 1)
- 3.- Renovación de licenzias, 30 euros (1/2 de 1).
- 4.- Inscrición no rexistro APP, euros.
- 5.- Inscrición no censo de animais de compañía, euros (2/3 de 4).
- 6.- Modificacións rexistras, euros (1/4 de 4).
- 7.- Cancelación rexistral, euros (1/2 de 4).





CONCELLO DA VEIGA  
Terras Altas de Trevinca

8.- Os actos ós que se refiren os epígrafes 1, 3, 4 e 7, cando os soliciten os suxeitos pasivos a que se refire o número 2 do artigo 22, terán unha recarga do ... por cento.

Artigo 26.- Ingreso da taxa.

1.- O ingreso da taxa efectuarase en réxime de autoliquidación e con carácter previo ó acto que o motiva.

Artigo 27.- Infraccións e sancións.

1.- En todo o relativo á cualificación de infraccións tributarias, así como das sancións que a estas lles corresponden en cada caso, ateranse ó disposto nos artigos 77 e seguintes da Lei xeral tributaria.

Disposición adicional única.

1.- Quedan excluídos da obriga de obter a licenza municipal aqueles exemplares caninos que foran obxecto de adestramento baixo a supervisión directa da ONCE e sexan destinados a guía de persoas invidentes.

Disposición final.

1.- A presente ordenanza entrará en vigor coa súa publicación íntegra no BOP correspondente e transcurso do prazo establecido no artigo 65.2 da Lei 7/1985, do 2 de abril, continuando en vigor ata a súa derogación expresa polo concello.

R. 2.996